

propter communem forte loquendi modum, quo solemus orbem hunc terrenum, in quo nos degimus, in varias regiones distribuere. Vriusq; porro regionis tam Elementaris, quam Æthereæ formam nobis explicabit, ac figuram.

ELEMENTARIS quidem alterationi continuæ peruia extens, in quatuor diuiditur.

Est enim terra tanq; mundi centrum in medio omnium posita; circa quam aqua; circa aquam aer; circa aerem ignis, illic purus, & non turbidus orbē Lunæ attingens, vt ait Aristoteles in libro Meteororū. Sic enim ea disposuit Deus gloriosus, & sublimis.

Et hæc quatuor elementa dicuntur, quæ vicissim a semetipsis alterantur, corrumpuntur, & generantur.

Sunt autem elementa corpora simplicia, quæ in partes diuersarum formarum minime diuidi possunt, ex quorum commixtione diuersæ generatorum species fiunt.

Quorum trium quodlibet terram orbiculariter vndiq; circumdat, nisi quantum siccitas terræ humori aquæ obsistit, ad uitam animantium tuendam.

Omnia etiam, præter terram, mobilia existunt, quæ vt centrū mundi ponderositate sui magnum extremorum motum vndiq; æqualiter fugiens, rotundæ spheræ medium possidet.

COMMENTARIVS.

INCIPIT hic agere de regione elementari, seu (quod idem est) de mundo Sublunari, eiusq; formam, ac dispositionem ostendit. Sex autem breuissime circa hanc regionem exequitur.

PRIMO assignat quandam proprietatem elementaris regionis, quod nimirum continuæ alterationi existit peruia, id est, dans locum, & aditum alterationibus, quæ in ipsa fiunt. Nō omne vero alterationis intellige omnē transmutationem naturalem, vt generationem, corruptionem, augmentationem diminutionem, motum localem, & alterationem proprie dictam, qualis est calefactio, frige factio, &c. & deniq; omnem motum substantiam rei aliquo modo variantem. Est enim elementaris regio pars illa vniuersi, in qua continuæ fiunt rerum transmutationes.